

25

**СВЯТОМУ ПРЕПОДОБНОМУ СЕРАФИМУ САРОВСКОМУ ЧУДОТВОРЦУ**

**ТРОПАРЬ, гл.4-й:**

От юности Христа возлюбил еси блаженне,/ и, Тому Единому работати  
пламенно вождевав,/ непрестанною молитвою и трудом в пустыни подвизал-  
ся еси,/ умиленным же сердцем любовь Христову, стяжав,/ избранник воз-  
люблен Божия Матере явился еси./ Сего ради водем ти:/ спасай нас молит-  
вами твоими, Серафиме преподобне отче наш.

**КОНДАК, гл.2-й:**

Мира красоту и яже в нем тленная оставив, преподобне,/ в Саровскую  
обитель вселился еси/ и, тамо ангельски пожив,/ многим путь был еси ко спа-  
сению,/ сего ради и Христос тебе, отче Серафиме, прослави/ и даром исце-  
лений и чудес обогати./ Темже вопием ти:/ радуйся, Серафиме, преподобне  
отче наш.

**СВЯТИТЕЛЮ НИКОЛАЮ ЧУДОТВОРЦУ**

**ТРОПАРЬ, гл.4:**

Правило веры и образ кротости,/ воздержания учителя/ яви тя стаду  
твоему/ яже вещей истина:/ сего ради стяжал еси смирением высокая,/   
нищетою богатая,/ отче священноначальниче Николае,/ моли Христа  
Бога,/ спастися душам нашим.

**СВЯТОМУ ПРЕПОДОБНОМУ СЕВАСТИАНУ КАРАГАНДИНСКОМУ.**

**ТРОПАРЬ, гл.3-й**

Троицы Святыя служителю,/ земне Ангеле и Небесе человеце,/ духов-  
ного Оптиного старчества преемниче,/ Христов священнотаинниче и испо-  
ведниче,/ Духа Святаго обитель всечестная,/ преподобне отче Севастиане,  
досточтиме,/ испроси миру мир/ и душам нашим велию милость.

**КОНДАК, гл.3-й:**

В радость Господа Воскресшаго вшедшаго,/ преподобных Оптиных  
старцев сликовника,/ мучеников и исповедников сопричастника,/ священно-  
таинникам Божиим сослужителя,/ земна Ангела и Небесна человека,/ града  
Караганды Боголепное украшение,/ Казахстанския страны Богомольца изряд-  
на,/ Церкви Русския похвалу,/ ублажим вернии,/ с веселием ему вопия:  
райдся досточтиме Севастиане, преподобне отче наш.